

NIC. CLENARDI  
EPISTOLARVM  
LIBRI DVO.

QVORVM posterior iam primum  
in lucem prodit.

*esta conforme alex quig. de d. q. o.*  
*M. M. h. v. l. p. o. r. a. s.*



*de la Libreria de*

ANTVERPIÆ,

Ex officina Christophori Plantini.

cl. Io. LXVI.

CVM PRIVILEGIO.



Coll. Soc. I. N. S. V. Salm. ex dono Regum.

C. PLANTINVS LECTORI  
BENEVOLO S.

**C**V M nuper Carolus Clusius vir doctus & ad rem literariam promouendā promptissimus, ex Hispanijs rediens, ad me pro antiqua nostra familiaritate salutandi gratia diuertisset, ille, ut est ingenij sui candor, quae illine secum rara exportarat, nobis ostendit. Inter quae cum essent Nic. Clenardi viri doctissimi epistola quamplurimae nunquam editae, lepidae iuxta & erudite; rogavi, earum mihi faceret copiam, ut, ubi primum liceret, me auspice omnium in oculis, uti dignae erant, apparerent. Fecit ille pro suo more, & nostra necessitudine lubentissime. Quia autem intelligebam ipsum Clenardum, quoad vixit, D. Iacobo Latomo Theologo doctiss. unice carum semper fuisse, ut etiam epistola testificatur, conatus sum rescire, num idem aut alius quispiam propositum hoc nostrum adiuvare posset. Adiuvit verò ille, non quidem accessione aliqua, sed opportuno cōsilio, admonens, ut alterū eiusdem Clenardi epistolarum librum, semel atque iterum euulgatum, praeponeremus: praesertim cum iam diu exemplaria passim desiderarentur. Quod consiliū quanti fecerimus, facile tu amice lector, cuius causa omnia cupimus & facimus, ex operis titulo intelliges. Vale. Antuerpia, ex officina nostra typographica, Kal. Martij. Anno cl. lo. LXVI.



3

# NICOLAI CLENARDI

## EPISTOLARVM LIB. I.

5 NICOLAUS CLENARDVS DOMINO  
IACOBO LATOMO PRÆCEPTORI  
OBSERVANDO, S. D.

10 **N**ON dubito, charissime præceptor, quin  
sepius discipulum accusaueris, quòd toto  
quadriennio vix binas literas miserit. Si fa-  
ctum id putas obliuione tui, audacter ipse  
vicissim iudicium tuum damnabo, qui ló-  
ginitate loci amicitiam dirimi putaueris. Cur ergo  
15 alios, inquires, crebrò salutasti, me vix vnquam? Cur  
etiam anno superiore, cum fratrem germanum dimit-  
teres, Latomi tui non meministi? Hic enim iam omnem  
præcidit causationē, de inopia vel perfidia tabellario-  
rum. Accipe ergo excusationem non peccati, sed silen-  
20 tij. Cum primùm veni Salmanticam, & futurum vide-  
bam, vt ibi aliquandiu subsisterem, nihil magis erat in  
votis, quàm vt te præcipuè de rebus meis certiozem fa-  
cerem. Verùm homo, vt scis ipse, domesticis parietibus  
magis delectatus, quàm luce publica, nullam profus  
25 reperiebam nunciorum commoditatem. Aberat aula  
Cæsaris Methymnæ, vnde propter veredarios spes ali-  
qua nobis affulserat, in ipsa verò Academia fermè solus  
eram è nostratibus, & quotquot amicos nactus eram,  
Hispani erant, nec desiderio meo conducebant. Quid  
30 igitur facerem stupidissimus homuncio, qui tanquam  
plumbeus semper vixerim in huiusmodi humanis ne-  
gotijs, scilicet expectabam dum felix aliquis incideret  
casus, quando consilio viam inuenire non poteram. Et  
ecce subito Minorita quidam me nihil tale suspicātem,  
35 vltro adiit, iubetque literas expediam: se enim intra  
biduum abiturum in Flandriam. At vide quàm sinistrè  
fuerim vsus tam bona occasione: dum studio plurimis

NIC. CLENARDI  
EPISTOLARVM  
LIBER II.



ANTVERPIÆ,  
Ex officina Christophori Plantini.

M. D. LXVI.

CVM PRIVILEGIO.

## VIRTUTE, NOBILITATE,

ATQVE ERUDITIONE PRAESTANTI VIRO D. THOMAE REDIGERO CAROLVS CLVSIVS, S. P. D.



5 **Q**VAM familiaris & amicus fuerit Clenar-  
 do Ioānes Vaseus, vir Graecè & Latinè do-  
 ctissimus, generose Redigere, testari possunt,  
 cum simul suscepta profectio Hispanica, tū  
 10 pleræq; ipsius ad Vasæum literæ. Clenardus postquam  
 ex Mauritania redijt, Granatæ obiit. Vaseus professionē  
 Graecæ & Latinae linguae Salmanticae adeptus, in eodem  
 munere perstitit usque ad extremum diem, qui incidit  
 15 circiter viginti annis à Clenardi morte. Hæc ideo com-  
 memoravi, quòd mihi per Hispaniam peregrinanti, fa-  
 miliaritatem contrahere contigerit Salmantica, cum  
 ornatissimo viro Augustino Vaseo Ioannis filio, qui cum  
 20 multa de singulari inter patrem & Clenardum amici-  
 tia narraret, ostendit mihi plurimas Clenardi schedas  
 à 107 papæis, quas apud Vasæum reliquisset, atq; etiam  
 aliquot eius ad patrem epistolæ & alios eruditos vi-  
 ros. Statim placuerūt illæ mirū in modum, mihi persua-  
 25 dens isdem dotibus præditas esse, quibus erant illæ quas  
 Louanij excusas aliquādo legerā. Sed cum earum exem-  
 plar minimè permissurū Vasæum scirē, arte tractandus  
 mihi fuit, ut eas consequerer: siquidē omnino apud me  
 30 constituerā eas aliquādo in lucem proferre, rem gratam  
 omnibus studiosis proculdubio factururus. Non possunt  
 enim nō lectorem oblectare rerū varietate, & eū allicere  
 eius florida oratio, nō illa quidē elaborata, sed tamē pu-  
 35 ra. Nam cum ab incunte ætate linguarū fuerit studiosis-  
 simus, ad quarū cognitionem indefesso studio totus fe-  
 rebatur, ut stylum formaret, non admodū sollicitus.



## NICOLAI CLENARDI

## EPISTOLARVM

## LIBER II.

NICOLAUS CLENARDVS LITERATO,  
VIRO IOANNI VASAEQ.

10 **S**ALVE, mi Vasæ. Multa complectitur  
epistola tua, quibus me hominem iam pla-  
ne aridum inter ardentis Arabes difficile  
est respondere: tamē tanquam aphorismi-  
cam responsionem habeto. D. Fernandus  
15 hos sex menses præscripsit assequendæ Cathedræ; id li-  
cet nec ego prædixeram, tamen conabor quid possim  
efficere: certè de ipsa Cathedra nihil despero, etiam si  
omnes amici destituerent. Largitus est mihi Deus quo  
aliquid valebam Louanij; puto vbi in publicū pro die-  
20 ro, non defuturos amicos plurimos, etiam eos quibus  
nondum de facie sum cognitus. Itaq; quod identidem  
tibi murmuranti respondere solebam, id multò certio-  
re iam spe replico, nos felicissimè in Hispaniam venisse,  
tantum Deus incolumitatem seruet. Abstine verò istis  
25 tuis nugis & adulationibus, vt te clientem iam vocēs,  
habebimus omnia communia. Iam enim præfatio ani-  
mo ædes communes mensamque communem, & Sal-  
manticensē conuictum, tu tantum interim quāto me  
iunior es, tanto ad omnem molem molestiarum animo  
30 sis infractiore. D. Prætori scripsi, & gratias, vt de-  
bui, egi; de filio omnia, spero, euenient vt volumus. ser-  
uabitur ad tempus apud me, vt, vbi tu veneris, in do-  
cendi munere succedas. Ignosces quòd tam facilè tua  
fidē in meis rebus vti voluerim, ne dubites, antè sex  
35 præscriptos mēses aut numerabo pecuniam, aut habe-  
bo Cathedram. Quod scribis id distulisse solutionem,  
nescio quid velis, sed id credo est epistola D. Marci.